

husen, Saxenberga, Furstenberga Opida: *Eisenburgum* arx, cujus ager ut Wildungæ, Aurum & Ferrum suppe-
ditat: quo Lithanthraces quoque effodiuntur: *Eilhusia* Arx situ spectabilis, ab Vrbe amne dividitur: *Corbachia*
urbs munita: Auri fodinarum ad eam, ante trecentos annos mentionem fecit Albertus Magnus, & quidem
de auro ibi effosso, cum igne probatur ac purum redditur, minus quam de Bohemico, ullove alio consumi
adfirmat. Nec vero hodie venæ illæ prorsus exhaustæ sunt: nam haud procul Corbachia ex arena sæpiuscule
lota Aurum abstergitur. *Neuburga* Arx & Opidum: *Ither Arx*: & *Werba* Monasterium. Regio hæc fluminibus *Flumina.*
irrigatur variis (inter quæ agmen primum merito ducit *Edera*, qui Tagi Hispaniæ, Hebri Thraciæ, Pañoli Asiæ
amulus, aureas quoque vehit arenas, tum & Piscibus siquis alius refertissimus, mediam fere Provinciam Wal-
deccensem secat: ex Nassaviæ Montibus per Comitatum Wirgenstein ad Francobergam adlabens, & arcem
Waldeccensem præcipiti rupe conspicuam, in ima valle altissimis undique Montibus septam, abluens: Frisla-
riam Hasiæ Opidum præterlapsus recepto Sualma, in Fuldam supra Cassellam, atque inde in Visurgim se exo- *Montes.*
nerat. Sequuntur *Dimila, Twista, Vrba, Ahra, & Ither* amnes. Nec Montes defunt, inter quos qui vernaculæ di-
cuntur *Grunebeckerberg, Winterberg, Den Astenberg* cum aliis qui in Tabula Mercatoris cernuntur. Sunt & Silvæ in *Silva.*
hoc tractu frequentes *Alde walde, Weter holt, Geppenhage, Plat*: alias prætereo, quæ passim per hunc Comitatum hic
ibisparæ. Atque hæc de Waldeccensi Comitatu hæcenus, ad Palatinatum Rheni transeamus.